

中華文史叢書之廿七
明、崇禎刻本影印
寶顏秘笈本
王有立主編



據國立台灣大學
圖書館藏本影印

皇明象胥 四夷考錄

(合訂本)

茅瑞徵撰
葉向高

台灣華文書局印行

皇明象胥
錄

據明崇禎刻本影印

國立北平圖書館
善本叢書第一集

皇明象胥錄序



周官職方氏辨四夷八蠻七閩
九貉五戎六狄之人民周知其
利害曲臺禮亦云夷蠻戎狄達
其志通其欲東方曰寄南方曰
象西方曰狄韞北方曰譯蓋周

之衛蠻鎮夷卽禹之要荒所謂
東漸西被朔南暨聲教訖于四
海八表同風以明一統豈好大
驚遠哉

聖祖龍興用夏變夷功侔天地
文皇帝三犁之烈震讐殊方緩

耳雕斲之倫鳥居獸語之類莫
不回面請吏待璽纛乃能國于
時胡弓粵鑄蠻琛夷賁軫積於
內府東鵜西鯨南茅北黍鱗集
於外庭蓋賓五帝所不賓臣三
王所未臣軼唐駕漢於斯盛矣

承平寢久瑕壘漸生
樞音雖懷鷹眼未革
或鳴鏑近圻剽掠人
畜或負嵎菁莽衝突
郊原挾賞而金縢歲
增搶番則藩籬日撤
豈徃颺跳梁自其天
性抑干楨弛警實啓
戎心乎年友茅伯符

往郎職方最畱意邊防扼塞茲
以勳卿領大鴻臚局閒務簡乃
出其向所蒐次四夷考更加訂
定間手以示余曰此亦臚寺官
守所宜及也余受而卒讀深服
其證引宏博諸如山川道里之

近遙境俗性智之優薄產載物
類之區品氣候涼燠之異宜無
不備寫像形審求根實而覈夷
情之終始鏡失得于

繫朝察叛服之所繇爲繚錠之
收縱此寧直侈輿輪廣大備輶

軒咨諏蓋安攘遠略具載是錄
洵可稱經國大業不朽盛事已
然余獨私恠錄中所敘北狄僅
及兀郎哈種落而韃靼女直金
元遺孽尚缺焉不及豈以其人
外獸內倏順倏攜故擯之王會

以示膺懲耶嗟乎大寧徙而左
臂單寒開平移而烽火日逼朔
方東勝豺虎縱橫朶顏福餘犬
羊反覆朝鮮我東藩折于奴我
不能救也卜素我欵虜逐于挿
我不敢問也玄菟樂浪我版圖

淪沒于奴兒于我不能窺寸土
也誰生厲階至今爲梗伯符有
心人必別已講求石畫可佐廊
廟而特不欲侈口跳盪以封疆
爲嘗試則非余駢淺所能測其
涯略已余往受事山海伯符適

典職方每心折其明習邊計清
執罕儷乃一再躋起恬處閒局
余復得時相過從讀所論著僭
爲數語弁諸首伯符經濟甚富
而高文老筆不減周官曲禮異
時秉樞而運帷算茲錄其嚆矢

云

年弟吳光義頓首撰



--	--	--	--	--	--	--

皇明象胥錄序

天啓癸亥予與伯符茅公同事
兵曹讀其所著萬曆三大征紀
敘事點情皆從案牘抄移中
括出肯綮示人無異鑛礦而為
金者然蓋已知為一代良史才已

又讀其原著四書考引古証今
確有根據益徵博雅迺採鴻
臚職典畧後出前編詳加攷
訂改題象胥

世所以及續以新紀用補鄭端
曾公之所未備語曰不生石多玉